

2

T 3145/3332.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 26 1939

永

寧

縣

志

永寧縣志卷之二

哈佛大學漢和
圖書館珍藏印

土地部

古蹟志

金石附

昔子朱子體聖人無徵不信多聞闕疑之旨注書注經
折衷盡善後之紀載者宗之斯無穿鑿附會之弊焉
地春秋見於經元魏置為縣今停車村墟訪歷代遺跡
城防塢壁彌望桑麻父老無能指之者即斷碣殘甃亦
皆飄散荒烟頽照每蒼茫久之稽諸各史僅什一千百
况亥步難周謝屐罕到前志多從苟簡不能徵文考獻

以補之遭逢

右文之世虎觀石渠時殷采擇倘襲其固陋其何以應
輜軒之命用是惕然于懷於各史書中細加搜補復取
施郡志所摭拾者詳加論正務求實而可徵至俗所稱
鳳翼郡爲鄉聚之名書城爲形家之語無可証據者仍
從施郡志削之歸于雅馴至金石文字可補史傳所未
及攷古者恒重焉郡志止七條茲於前人志攷外唐宋
金元新采十餘條皆披荒榛拭土繡得之而曩時官師
姓名亦藉據補附古蹟下庶於體制不紛云

邑 郡 城

周武氏邑 春秋隱五年武氏子來求購杜注武氏子
天子大夫之嗣也水經注元扈之水出于元扈之山
逕于陽虛之下又東合武里水水南出武里山東北
流注于洛施府志按元扈陽虛俱在永寧縣西則武
里亦當在永寧西山河兩戒攷以武里爲武氏邑而
又云武山在濟源固兩存其說矣未知孰是

周陰氏邑 山河兩戒攷襄十有二年齊侯許昏王使
陰里結之杜注陰里周大夫後有陰忌陰不佞按隋
志河南宜陽縣有陰山水經注太陰谷水出太陰溪
北流注入洛洛水又東合白馬谿水出宜陽山澗是

也

按永寧古宜陽地隋志宜陽陰山即永寧神頂山俗名蓮花頂其下有太陰谷水施府志以陰氏邑屬宜陽今其地皆在永寧宜改入永寧古蹟為是

漢金門城 水經注金門山多重固在韓建武二年強

弩大將軍陳俊轉擊金門白馬皆破之方輿紀要金

門城以金門山名後漢延熹二年以誅梁冀功封尚

書令李偉為金門亭侯即此處也

按金門山今永寧地方輿紀要入宜陽宜改正

晉龍驤城 水經注洛水又東逕龍驤城北龍驤將軍

王鎮惡從劉公西入長安陸行所由故城得其名方

輿紀要龍驤城在永寧縣西四十里

後趙石勒城 水經注洛水枝津水上承洛水東北逕

流石勒城北又東逕高門城北東入高門水

按高門城即今高門關石勒城已與相近則其城應在永寧地

秦苻堅舊城 永固城

按方輿紀要隋義寧二年又移永固城因苻堅舊城置縣曰永寧是永固城即苻堅舊城而隋時初置永寧縣移治之地也今縣東北三十里有舊縣村不知是否

西魏北宜陽縣 方輿紀要永寧為漢澗池之西境西

魏于黃櫨置北宜陽縣後改熊耳縣

東魏金門縣 魏書地形志宜陽郡領縣金門興和中

置施府志魏書有金門郡又有金門縣別屬宜陽郡皆與和中置是郡與縣不同地矣其因漢金門城者為郡為縣不可知故別列之

東魏金門郡 水經注洛水右會金門谿水水南出金

門山北逕金門塢西北流入於洛魏書地形志金門

郡興和年置方輿紀要永寧縣西三十里有金門塢

或以為金門郡城也

按今金門山周遭幾四十里內即金門塢也塢為防戍之別名金門郡城在此無疑至金門縣想在今金門白馬之間別立城以為防禦今金門川東有橫崗長數里其下為樓子村上皆古寨未知是否

東魏北陸縣 地形志金門郡領縣一北陸興和中置

按爾雅釋地高平曰陸釋名水流澆而出易曰鴻漸于陸今金門山北土阜高平數里口寨子村在金門川入洛之西北陸縣當在此地與金門縣遙對以作郡捍禦東西魏互爭宜陽金門其險隘故置郡一縣二為犄角之勢後周陳忻三破金門斬其郡守遂得宜陽乃廢郡立戍焉

後周同軌郡城 隋書地理志後周置同軌郡隋開皇

中廢方輿紀要同軌在永寧縣東西魏置同軌防於

此大統年間高澄至洛同軌長史裴寬與東魏將彭

樂戰為樂所擒通典永寧縣後周置黃櫨同軌永昌

三城以備齊唐武德三年移縣治同軌城施府志同

軌遺址永寧志謂不知所在據紀要謂在縣東今縣

東北有城頭村未知是否

後周熊耳縣

隋書地理志熊耳後周置方輿紀要後

周移劉塢屬同軌郡隋徙治同軌城義寧三年又移

于末固城因苻堅舊城治縣曰末寧唐初復移治同

軌城屬熊州貞觀初改屬穀州又移治莎柵後又移

治鹿橋驛顯興初改屬洛州施府志熊耳山在今棗

州末寧澠池界熊耳故城當卽今末寧故縣鎮在今

治西北界上而末寧之名則始於隋後屢移治今縣

治實鹿橋驛

按施府志既云熊耳山在陝州末寧澠池界則熊耳城當在東北今故縣鎮在縣西與盧氏接壤去熊耳在百餘里外不應如是之遠

後周劉塢治

方輿紀要後周移熊耳于劉塢

按隋書開皇初徙熊耳治同軌而紀要所云豈置縣復又移劉塢非改北宜陽之舊治地耶今縣西有鴉東西南三村疑因劉塢得名

後周莎柵治

通典莎柵在縣東唐乾元上元間衛伯

玉等屢破史思明將李懷仁于末寧莎柵之間方輿

紀要末寧改屬穀州移于莎柵

按穀州唐貞觀元年徙於澠池縣通典謂莎柵在縣東今縣東北有河底村與澠池縣相近與改屬穀州移治之文相合是河底村卽唐莎柵也

後周黃櫨城

按通典云周置黃櫨同軌末寧三城備齊紀要云周于黃櫨置北宜陽縣今治西北一百里有黃城

郎水經注之黃城與故縣鎮近是故縣鎮即北宜陽故縣及改北宜陽為熊耳之後另於黃櫨置城防

後周永昌城

見上黃櫨城注其地不可攷

西魏長淵縣

後周長水郡 文獻通考長水古盧氏縣 唐書地理

志長水畿縣

按唐書長水縣注本長淵隸宏農郡隋改為長水文獻通考西魏設長淵縣而又云周宜陽陝州土劃在長水郡北十五里豈周時又設長水郡耶

唐函州城 唐書地理志以永寧嶠置函州八年州廢

以永寧隸熊州嶠隸陝州

按舊志函州城遺址在縣北四十里刀環大宋之間今無可攷舊府志謂在縣北馬村保唐武德三年築或有所據

唐長水城 唐書地理志本長淵縣隋改長水武德元

年隸虢州貞觀八年隸穀州顯慶二年來屬有錫西

有高門關松陽故關鵝鵠關文獻通攷長水縣注漢

盧氏縣地唐縣有天壇山施府志永寧縣西有長水

鎮去縣治四十里

唐嶠縣城 方輿紀要後魏太和十一年置縣屬宏農

郡以二嶠山而名隋大業初并縣入熊耳唐初復置

舊唐書武德元年復置嶠縣三年屬函州自硤石塢
 移置鴨橋八年改屬陝州開元十四年移置硤石塢
 改曰硤石縣而舊嶠縣為石濠鎮五代劉智遠自太
 原南下至陝州明日至石濠是也施府志按永寧志
 謂嶠縣城在縣西北九十里而遺址無存永寧西有
 舊縣未知是否

魏蠡城徙治 水經注又東北過蠡城邑之南注城西
 有塢水出北四里山上原高二十五丈故澠池縣治
 南對金門塢水南五里舊宜陽治也名勝志曹操移
 縣西六十五里之蠡城賈逵為令時所理也方輿紀

要澠池舊理蠡城今縣西有蠡城驛水經注蠡城南

對金門塢屬永寧縣以洛水為界新補

按此則魏時澠池舊治在今永寧縣境內矣水經注南對金門塢方輿紀要以洛水為界是其確據魏時澠池與宜陽俱屬宏農郡永寧為澠池西南境徙縣於此無足異王鎮惡從劉公西伐長安逕龍驤城見水經注晉史鎮惡進軍澠池遣毛德祖擒秦將尹雅于蠡城與水經注逕由之路相合其對金門塢之高原自在洛北今縣城西一帶地內水經注載蠡城西塢水入洛此條在北宜陽北山之後鳳山澗之前即今永寧縣西十里嶠澗施府志既云蠡城當在嶠澗山南四里又載入澠池古蹟自岐其說今以地形考之移入永寧方與酈道元城西塢水南流入洛之說相合

高門木城 晉書龐季明入盧氏進達高門木城水經

注洛水枝津東逕高門城北新補

按即今高門關

檀山塢 水經注洛水又東逕檀山南其山四絕孤峙

山上有塢聚俗謂之檀山塢新補

互見山川志內

宮 室 軒 亭 臺

唐崎岫宮 唐書地理志永寧縣有崎岫宮顯慶三年

建李通志在縣西五里唐建詩有武后去來紅袖盡

野花黃蝶領春風之句即其處也

唐蘭峰宮 唐書地理志永寧縣有蘭峰宮顯慶三年

置李通志在縣西三十三里

按史高宗顯慶初武后因王蕭之死不樂居長安高宗乃以洛陽宮為東都崇飾別宮以媚之其時蹕之所靈寶有上陽桃源翠微三宮陝州有繡嶺宮永寧有崎岫蘭峰二宮宜陽有連昌蘭昌二宮皆窮極侈麗所謂緣道離宮也

明萬安王舊宮 明史諸王表萬安康懿王名典橫伊

敬王庶二子嘉靖七年封以奉祀隆慶四年薨子昭

和王名褒煇康懿嫡一子萬歷二年襲封二十六年

薨子恭宣王名珂佳昭和嫡一子萬歷三十一年封

長子二十九年襲封以就府營福藩別城永寧尋薨

子采鏗恭宣嫡一子襲封崇正九年二月以盜熾請

加築永寧城十四年闖賊破城遇害新補

按萬安王舊府舊志失載詢之邑人云在東城舊址亦不可攷

快風軒 李通志龍頭山有快風軒

漢金門亭 方輿紀要以誅梁興功封李偉金門亭侯

僕谷亭 水經注洛水逕僕谷亭北

黃亭 水經注洛水東逕黃亭南

倉帝造字臺 路史禪通紀倉帝史皇氏有睿德生而

能書及受河圖綠字於是窮天地之變仰觀奎星圓

曲之勢俯察龜文鳥羽山川掌指而規文字字形位成

文聲具以相生為字羅莘注河圖玉版云倉頡為帝

南巡登陽虛之山臨於元滬洛汭之水靈龜負書丹

甲青文以授之又施府志按元滬陽虛今在永寧則

造字臺遺蹟有由來矣今據路史倉頡造字仰觀俯

察固非一端而謂受龜書于元滬以造文字亦足為

確論也至長安三會寺亦有倉頡造書堂羅莘注以

為未然

洛書非滬書辯

明邱起鳳

永寧縣西有元滬水黃帝時史臣倉頡從帝南巡臨

於此水水開一窩有龜出焉厥背赤甲青文即所謂

滬書者也倉頡因則之以制字此陽虛山所以有制

字之臺也至虞舜時大禹治水有龜載書出之於洛

今所傳洛書是也按洛水閱七縣之地求其龜的出於何地則不知也後人求其地不得見滬與洛相近且其流漸入於洛據滬有龜窩宛然可按遂指為洛之出書即此是耳遂一唱百和學士大夫亦深信而不疑余未能至此地嘗玩誌之圖識龜窩之去洛尚遼遠不在將入未入之界此則滬自為滬洛自為洛較若列眉雖五尺之童亦不至於眩惑乃於其窩所出之龜輒謂洛之出書即此真有不可解者矣夫滬非有異流也滬之龜未嘗再出也如謂禹時之龜即此而是將謂黃帝時之龜又出於何地乎求人兩存其說而不一究其實傳信傳疑不幾兩無所據歟或者謂出書叙疇千古稀有之奇是以艷而稱之未嘗深求不知滬書出而字以制舉結繩之陋而頓易之至於天雨粟鬼夜哭即禹疇亦憑之而後叙豈可重抑其出洛書下哉顧置此而稱彼則何也余嘗謂滬固在於末也洛亦經於末也雖謂兩書並出於末亦無不可惟執滬所出之龜謂即洛書斷斷不可何也龜窩實在滬中與洛毫無干涉按跡顧名其是非白

了了矣省志

夏鹿臺 名勝志鹿臺在永寧縣北相傳洪水時禹至

此見一鹿築此臺又謂之高霞臺

關塞

古峭塞 春秋僖三十年晉人敗秦師于峭左傳峭有

二陵焉其南陵夏后皋之墓也其北陵文王之所避

風雨也公羊傳峭之嶺岩呂氏春秋九塞峭其一也

方輿紀要三峭山亦曰二峭在今永寧縣北六十里

謂之峭塞戰國策所謂澠隘之塞也秦昭王初楚圍

雍氏秦下師於峭以救韓張儀說趙曰秦軍軍於澠

池願渡河逾漳戰邯鄲下蘇代謂甘茂自峭塞至鬼

谷一作槐谷其地形險易皆明知之漢景帝三年吳楚叛

周亞夫出關討之趙涉曰吳王懷輯死士必置奸人

於峭澠阨隘間亞夫因出武關而東東漢建武三年

龐德大破赤眉於峭底建安十九年龐德破賊張白

騎於兩峭間水經注峭有盤峭石峭干峭之山故又

曰三峭晉大寧三年後趙石生屯洛陽劉曜使其黨

劉岳趨孟津呼延謨自峭澠而東合諸軍攻洛陽畧

地至峭岷關中大震後魏永熙三年高歡自晉陽犯

洛宇文泰遣將赴援會魏主西走峭中又韋孝寬襲

破東魏將段琛等於宜陽峭澠遂清元和郡縣志自

東峭至西峭三十五里東峭長阪數里峻阜絕澗西

嶠純是石阪十二里險不異東嶠此二嶠皆在秦關之東漢關之西輿地廣記二嶠山連入硤石界自古險要之地也施府志三嶠八永寧澠池陝州三界楊升菴春秋地名考二嶠正義曰俗多土殺石殺其後轉為土濠石濠杜子美有石壕吏詩宋建炎二年金人自同華東走石壕即舊嶠縣而澠池有土濠鎮乃土殺也硤石八今陝州界

按通典魏正始元年宏農太守孟康上言移函谷關更號大嶠關則當移在永寧澠池間

唐高門關 唐書地理志長水西有高門關方輿紀要高門關在永寧西十八盤嶺北明史地理志永寧有

高門關巡檢司

唐松陽關 唐書地理志長水有松陽關方輿紀要永寧西八十里有崇陽鎮關有巡司施府志唐松陽方

輿紀要作崇陽明史地理志亦作崇陽實一也

唐鵜鵠關 唐書地理志長水有鵜鵠關方輿紀要在永寧縣西鵜鵠山唐所建也今廢

明嶠底關 明史地理志永寧東有嶠底關巡檢方輿

紀要嶠底在永寧縣西北七十里即嶠谷之底也亦曰嶠坂一名澠池馮異大破赤眉於此明初置巡司

後革

按嶠底應依方輿紀要在縣西北明史在縣東誤

胡神廟寨

舊志縣東南三十五里明洪武初大將軍

徐達等率諸將進攻河南諸山寨克神項寨元守將

張知院以其家來降達隨進兵洛水北塔兒灣命百

戶孫震守禦

明白馬寨

舊志縣東南四十里明末樂間命百戶鎖

飛守禦

防

附戰地

後魏同軌防

方輿紀要永寧縣東西魏置同軌防

按同軌防主長史見後周書

後周嶠東立義防

新補

按後周書陳忻傳隨嶠東諸將破東魏三城斬其金門郡守魏元傳邙山之敗守嶠東立義者成懷異望嶠東立義自是一城防周立魏州熊州等十六防軍事嶠東應與黃墟同軌等並重故曰守其云立義者蓋招集義兵所屯觀盧光傳光守山東立義加大都督可見又後魏書以陳忻為立義大都督即此防也其防即在嶠縣城紀要未查載新補之

唐同軌府

方輿紀要唐置河南郡三十九府有同軌

府

後周洛西都督府

後周書韓雄傳以雄為洛西大都

督假平東將軍仍鎮洛西

新補

後周金門戍

文獻通考周既得宜陽於金門置戍以

備齊新補

按置戍當在廢金門郡後

後周宜陽陝州土剗 文獻通考周置黃櫨三城及宜

陽陝州土剗以備齊注在長水郡西北十五里新補

按長水今在永寧則土剗應亦在境內但未識土剗之義舊府志土剗在永寧縣西北古蒯關之塞垣後為鎮土剗為剗字之譌未知是否

宋孫洪濶戰地 宋史楊再興傳岳飛屯襄陽以圍中

原遣楊再興至西京長水縣之業陽殺孫都統及統

制滿在斬五百人俘將吏百人餘黨奔潰明日再戰

于孫洪濶破其衆二十復長水得糧二萬石以給軍

民盡復西京險要又得偽齊所留馬萬匹芻粟數十

萬中原響應

按舊志濶在今縣西南六十里土人呼為孫峪

橋

唐鹿橋 方輿紀要永寧唐移治鹿橋驛

明金門橋 李通志金門橋在永寧縣南

長淵橋 李通志長淵橋在永寧縣西

驛

唐鹿橋驛 方輿紀要永寧移治鹿橋驛

按嶠南道自後周重開隋唐兩京大道俱由陝州永寧宜陽至東都見富鄭公福昌宰燕堂記及唐

女子題三
鄉驛詩序

唐永寧傳舍 唐書叛臣傳史思明使朝義攻陝敗退
壁永寧思明大怒將誅而釋之又敕築三角城怒不
如約朝義懼思明居傳舍駱悅等共說朝義行大事
許之思明愛優諱寢食常在側優者以其忍恨之是
夜思明據牀叱咤優問故答曰我夢群鹿渡水鹿死
而水乾云何俄如區悅以兵入優共指區思明踰垣
出至厩下將乘馬走悅麾下射其臂墜左右反接縛
之送至柳泉傳舍縊殺思明

唐柳泉傳舍 施府志史朝義步將執史思明于鹿橋

驛囚之于柳泉方輿紀要謂唐制三十里一驛鹿橋
驛為今永寧縣治故以柳泉驛入永寧如是則宜陽
之柳泉亦非唐時之舊驛矣

按朝義退壁永寧思明夢羣鹿渡水水乾實為鹿
橋被縛之兆則唐書中傳舍即永寧驛也紀要謂
唐制三十里一驛今宜陽柳泉距永寧七十五里
地形不合故另標柳泉傳舍為一條以存其說永
寧東嶺山將三十里有花泉豈柳泉
之誤耶然亦不可遂執為定論也

改道

古殺阪 淮南子太汾澠阨荆沅方城殺阪并陘令

句注居庸是謂九塞

互見山川志及嶠塞下即漢書所謂殺底也在
今縣西北六十里古號險峻今為樵牧所逕矣

漢回谿阪 後漢書馮異傳建武三年拜征西大將軍

會鄧禹率車騎將軍鄧宏等引歸與異相遇禹宏要

異其攻赤眉異曰與賊相拒且數十日雖屢獲雄

餘家尙多可稍以恩信傾誘難卒用兵破也上今使

諸將屯屯池要其東而異擊其一舉取之此萬成計

也禹宏不從宏遂大戰移日赤眉陽敗棄輜重走車

皆載土以豆覆其上兵士饑爭取之赤眉引還擊宏

宏軍載亂異與禹合兵救之赤眉小卻異以士卒饑

倦可卽休禹不聽復戰大爲所敗死傷者三千餘人

禹得脫歸宜陽異棄馬步走上回谿阪

唐章懷太子注回谿今俗

所謂回院在今洛州永寧縣東北其谿長四里濶二里二丈五尺也

與麾下數人歸營

復堅壁收其散卒招集諸營保數萬人與賊約期會

戰使壯士變服與赤眉同伏於道側旦日赤眉使萬

人攻異前部異裁出兵以救之賊見執弱遂悉衆攻

異異乃縱兵大戰日昃賊氣衰伏兵卒起衣服相亂

赤眉不復識別衆遂驚潰追擊大破於峭底降男女

八萬人餘衆尙十餘萬東走宜陽降璽書勞異曰赤

眉破平士吏勞苦始雖垂翅回谿終能奮翼屯池

謂失之東隅收之桑榆方論功賞以答大勲

按舊志谿在今縣西六
十里土人名曰回頭溝

古嶠南道 方輿紀要水經注嶠有盤嶠石嶠千嶠之山所謂嶠有二陵則石嶠之山也自漢以前率由南道以曹公惡南路之險更開北道

按晉太康三年宏農太守梁柳修復舊道大嶠以東西嶠以西則曹公開北道之後南道未盡廢也詳見嶠山注

後周南道 杜佑通典自魏晉以來皆由北道後周初

更開南道

隋唐兩京孔道新補

見鹿橋下按舊志有騎驢道載東坡與子由曰二陵騎驢至澠池題壁詩騎驢道三字既強奏非舊名題壁又在澠池寺中今刊之

宅里

唐張濬故居 唐書張濬傳居洛長水墅新補

元薛元故宅新補

按舊志薛庸齋以所居故宅創洛西書院萬歷間移萬安王自洛陽城永安書院近王宮久廢朝乾隆十二年公履咸重修近掘得半碑於東門街有樂園故址四字人皆以為庸齋獨樂園遺址獨樂園既無所據而碑又後時追立或見於程鉅夫書院記中惜雲樓記久佚耳附記於此

元蔡子英故居

按舊志云縣南三里經局村元蔡子英故居子英回多鬚嘗為湯和所焚見明史忠義傳至今人猶稱蔡鬚子家云

明洛上翁山居 宋濂潛溪詩集有贈洛上翁山居詩

新按洛上翁郎
補答祿與權

贈洛上翁山居詩四首

宋 濂

紅鞋金帶荔枝花三品詞林內相家歸去山中無
事瓦瓶春水自煎茶

乞與山童潤筆錢歸時正及早春先玉堂分取薇花
樹種在雙溪淺水邊

山僧羽客莫相過碑版人間刻已多從此黃庭不須
寫自開池水養羣鷺

榮歸詔許老山垆火棗交梨養性靈秘府圖書翻閱
盡却從方士借丹經

祠廟

長水東岳祠 金史商衡傳字平叔曹州人爲秦藍總

帥府經歷天興元年關陝行省徒單兀典等敗於鐵

嶺衡未知諸帥存沒招集潰軍以須其至遂爲兵士

所得欲降之爲不屈監至長水縣東岳祠前誘之使

招洛陽衡曰我洛陽識何人爲汝招之耶兵知不可

誘欲捽其巾衡瞑目大呼曰汝欲脅從我耶終不肯

降望關瞻拜曰主將無狀亡兵失利臣之罪責亦

所逃但以一死報國耳遂引佩刀自剄年四十八

按長水鎮東嶽祠
其址今不可識

金石

倉頡陽虛山石刻 金石古文按河圖玉板云倉頡爲
帝南巡登陽虛之山臨于元滄洛汭之水靈龜負
丹甲青文以授之文捉二十八字景刻于陽虛之石
室李斯止識八字曰上天垂命皇辟迭王今已不可
尋矣施府志按升菴云爲帝南巡作一句爲音去聲
言奉黃帝命而代之南巡也亦言黃帝史臣羅荦路
史注引河圖玉板靈龜負書以授帝爲倉頡也又通
志金石略倉頡石室記有二十八字在倉北海墓中
土人呼爲藏書室周時自無人識逮李斯始識八字

漢叔孫通識十二字任昉云周人不能辨而斯通識
之十不敢信攷二句乃寇謙所纂黑帝安和國主禁
文也據此則或謂永寧陽虛或謂北海墓下皆可存
而不論矣石刻今佚

晉石嶠北山石銘 方輿紀要水經注嶠有盤嶠石嶠
千嶠之山所謂嶠有二陵則石嶠之山也自漢以前
率多由此曹公西侵巴漢惡南道之險更開北山高
道山側附路有石銘云晉太康三年宏農太守梁
修復舊道太嶠以東西嶠以西明非一嶠也銘今佚
唐左散騎常侍王質神道碑 金石攷開成二年劉禹

錫撰碑云葬河南府永寧縣洛川鄉史原從舊阡也
金竹林禪院記 金石攷正大庚辰元好問撰記云竹
林寺在永寧之白馬原記今佚

元轉運使薛公神道碑 金石攷程鉅夫撰在王范鎮
北山之陽

按此碑施府志與舊志藝文內俱
失載今訪出補入碑文見邱墓內

元幽巖禪師碑 金石志在永寧縣碑文今佚

元洛西書院記 金石攷至元元年程鉅夫撰記今佚

以上舊志

唐佛頂尊勝陀羅尼咒石幢 在寧刹寺內咒後載依

福先寺律院玉石幢本後又有寶樓閣陀羅尼咒貞元
十年歲次甲戌七月壬申朔十五日建河南府永寧

縣開 **■** 鄉景福寺 **■** 功德山為三師妹敬造楷書

唐佛頂尊勝陀羅尼經石幢 在福昌寺幢八角下截

稍缺搢土剔之尚有四千六百餘字可塌迺唐元和

十三年十月十六日義宏大師弟子至雅至圓立鄉

貢孝廉扶風魯勤撰序讚并書小楷遒勁石幢中之

佳者金石攷俱不載施郡志亦搜采未及

宋洛京永寧縣福昌寺重修碑記 碑載淳化四年十

月十三日守秘書省著作佐郎李用晦京右街天宮

寺沙門守文書託內稱此院唐舊名香積太平興國
間命改福昌之號是不可稱唐福昌寺矣

宋西京河南永寧縣月山惠安禪院記 碑載天聖六
年歲次甲子余月奠彫一片記鄉貢進士崔曉撰文
并書

宋西京永寧縣府鎮重裝石父神記 在鳳翼山頂石
神廟東廊壁慶歷八年立南陽張忱撰文并書府鎮
之名諸志不載文內稱東州劉整與當邑 助教
庫仲宣本鎮彭成劉穆等助錢舉事鎮想在縣城東
但不知何以稱府鎮又云石父廟史傳不錄得之者

艾之稱所奉者求其宗嗣當時止稱石父名猶雅今
增塑姥像俗遂稱石婆廟可晒

宋龍門山買木院產業碑 在慈雲寺碑載永寧縣大
馮保鄧樞密看墳寺買木院叅學僧文禮立石沙門
海琛書丹後字多缺落有皆宣和四年 住持
沙門崇辨

金長淵縣重修洪院禪寺記 在今長水鎮北里許碑
載金太定二年歲臨乙卯律蕤賓住持譜證誌洪院
禪寺通志舊府志俱無其名碑尾有權長淵縣事前
達魯花赤刺朶兒縣尉前克千僧家奴可補官師之

缺長淵隋縣唐改長水宋仍之金復改長淵又可備
沿革攷也

金重修福昌大毀記 太定二十二年十二月福昌

竹林院賜紫沙門福照建 明嗣敏撰本縣張棠書

金白馬寺大鐘記 載嵩州永寧縣白馬院太和元年

八月 日有承信校尉行縣尉事樂 承信校尉行

主簿孟昭武大將軍行縣令顏惜佚名可証白馬山

自宋以來爲永寧地也

元寥天觀碑記 在觀中寥陽殿下款卧瓦礫中字多

漉漫元中統 年重修時立誇耀開經局事文中有

永寧長官劉縣令惜佚名碑陰駢列仕女講師提點

經童凡七十餘人無足闕惟有本縣椒竹官儀榮椒

竹接年宮吉元巡護官竹園王屋縣司總把烏古論

姓名知邑中竹園曩半屬官與民爭利張中丞所論

竹園賦之累自元已然益見我

朝寬大之政聽民自食其利宜乎百餘年來植產蕃昌

家給人足也附記之

元重修青陽宮碑記 碑載大統 年二月

甚殘缺不可讀

元重修靈虛觀碑記 至元十年壬申濮陽進士杜景

朴撰郭志真書

元重修龍泉觀碑記 至元十七年十二月十九日雲

山老人楊志全述寓故縣閑居奧里福山書

元杜人傑題洛書賜禹地詩石刻 在龍頭山禹廟中

人傑撰并書有薛元題後碑人傑濟南名士與文靖

講學洛西七言古詩雄爽論亦正草書瘦勁如掃兔

飛魚文靖題跋亦有醇儒氣象文靖著作不傳此真

吉光片羽也

元河南路永寧縣月山寺月山信公碑銘 在月山寺

至元四年住持沙門桂巖立

元光祿大夫大司徒壽安山昭孝寺住持釋源宗主雲

麓和尚塔至正六年慈雲寺住持講主了口并門徒

立

元醮嶢廟記 碑在廟中元至正十年庚寅翰林直學

士亞中大夫知制誥同修薛友諒撰中順大夫秘書

少監李丕作書丹學士篇什久佚茲於廟山搜出文

中議論頗正文別載壇廟志中

元龍頭山五嶽觀碑記 碑載元至正七年建有

郎永寧縣尹兼管諸軍口魯勸農事曹瑛可補縣令

之佚文內有廣陽之郡龍山爲大釋文郡羣也民人

羣居曰郡是此所稱郡不過鄉鎮別名非府郡之郡
永寧置郡載正史中者多不聞鳳翼廣陽之號今邑
人以俗寺碑中有鳳翼郡之名遂稱爲古郡此碑
有廣陽郡豈一邑相距三十里內遂有兩郡爲正史
所不載耶附正於此固可存而不論耳

永寧縣志卷之二

土地部

山川志

山有幹山支山水有經流細流故志山者當遵山海經
志水者當遵水經注非是則淆亂無體例且當擇其大
者而以小者附之標其古者而以今者附之非是則樵
牧荒俚之號不雅馴邑爲天下雄塞重巒錯複釐載匪
易以水定山以山別水審其陰陽條其脈絡辨其吐納
酌其煩簡於是可以辨形勢可以知險阻可以謹鯉沈
可以嚴守禦可以導遊可以證古則有如吾之志永寧

山川者

山

永寧北山自關陝西來入境之首曰東嶠山 俗名乾山

明史地理志永寧北有嶠山嶠水出焉北注于洛其

東曰穀陽谷穀水所出方輿紀要嶠山在永寧北六

十里志以為東嶠其西嶠在陝州東南七十里硤石

故城兩嶠相去蓋三十五里回溪阪在永寧北嶠山

南俗名回院自漢以前入嶠之道皆由此曹公西討

惡其險乃更開北道施府志按水經注穀水出嶠東

馬頭山明史謂出嶠山東是馬頭亦嶠山也水經注

紀三嶠水皆北入大河明史以為嶠水入洛指東嶠

水入洛者言之三嶠為干嶠盤嶠石嶠皆入陝州於

中又別為東西嶠永寧之嶠山乃東嶠也嶠東馬頭

至熊耳山為周山一支澗池在熊耳北交入熊耳

陝州在熊耳西交入熊耳南並曲抱其東北犬牙相

錯而西南諸山在洛水北者自熊耳望之尚隔陝州

界數十里以河 兩界內山為斷各分支異域然永寧

諸山與澗池熊 耳實皆連體三嶠嶠山為郡西界

之首

附嶠山辨

按春秋時止 嶠名自鄆中尉云河左側嶠水注
之水出河南 嶠山歷淵東流與石嶠水合山有
二陵全引左 傳中語又云河水又東于嶠之水入
焉又云穀水 出干嶠東馬頭山三嶠之名始著矣
至所云穀水 東逕土嶠北即所謂三嶠蓋以三嶠
土石夾雜叢 阜絕澗阻於攀躋三嶠前土阜稱
故附其名曰 土嶠非三嶠外又別有土嶠石嶠也
二嶠自因蹇 叔二陵之言而分揚并菴春秋地名
攷云二嶠俗 名土嶠石嶠轉音為土濠石濠杜子
美有石濠吏 詩以濠改嶠後人遂引金史自同華
走石濠指硤 石鎮為石嶠唐舊移嶠縣地豈知魏
太和所置嶠 縣全控三嶠唐以永寧分嶠縣為二
見硤石可城 而移之縣非魏縣地亦非舊嶠地也
愚謂元和郡 縣志西嶠全是石阪當是石嶠東嶠
即干嶠至東 嶠之東馬頭嶠方與中尉注中相合惟
鳥道迂曲峭 峻疑即盤嶠方與中尉注中相合惟
歲月已久不 能確指耳春秋之嶠陵呂氏淮南之
嶠坂各史中 嶠塞嶠底嶠隘嶠岷嶠中皆在今東
嶠間方輿紀 要引証諸書載入永寧是也山勢地
形千古不易 後代移置郡縣文人繁引曲揣遂紛

紆無紀嶠道石銘云太嶠以東西嶠以
西豈又別尋 兩地以附會為二嶠耶

嶠山東稍摩為小嶠嶺下為嶠阪前為嶠底關

按嶠山高峻 極天為水邑羣山之祖從無能躋其
嶺者其右為 仰天池七星臺可攀緣而上群峯皆
在足下東稍 夷為小嶠嶺即古城防處下臨嶠底
谷舒一線虧 蔽光景深接宏農郡真車不得方軌
者坡前大溝 即嶠底關明設巡檢司署處今名大
岔溝司久廢 小集猶存官房數間迤邐升降出九
龍澗東達長 水古
所謂嶠南道 也

嶠山東為摩雲嶺與小嶠嶺連其下為鞍子頭陝水

南北甌脫地

按摩雲嶺舊 志載縣西八十里陝州志載州南八
十里并云山 高插空林木蒼翠每遇陰雨雲霧旋
覆愚所云疑 即水經注之盤嶠也東嶠與摩雲嶺
相距五里下 為鞍子頭以形受名嶠山坡地昔磽

确不可耕康熙初永人首墾有薄收陝人旋亦報墾屢成訟案近年間復於鞍子頭下胡瑤村爭佔上控大憲委郡州守會勘東嶠山摩雲嶺俱以南北分脊為界嶠山東廟溝有大澗以澗東西為界樹石表焉周晉爭田楚宋伐桑古今同病先王所以重疆場也

緣西嶠山脊與陝州靈寶南北連綿交錯盡永寧西北境界陝靈盧交者為分水嶺

元和郡縣志東嶠至西嶠三十五里 舊府志永寧

分水嶺有泉分注陝州盧氏靈寶皆有之

按西嶠山俗呼秦王寨其陰為放馬場與東嶠俱南一面為永寧底前里西嶠山與寨四嶺大馬山聯亘而西俱在邑一百二三十里界

嶠山西南為鵝鵝山

水經注黃亭溪水出鵝鵝山有二峯峻極于天高崖

雲舉亢石無階猿徒喪其捷巧鼯族謝其輕工及其

長霄冒顛層霞冠峯方乃就辨優劣故有大小鵝鵝

之名方輿紀要鵝鵝山在永寧西八十里接盧氏界

施府志按鵝鵝山俗名關山以山谷有鵝鵝關也山

谷水有大小鵝鵝俗音轉為大小鐵溝

鵝鵝山西南聯分水嶺來之山與盧氏界至高門關盡

于洛濱

按鵝鵝山分嶠山之支西南與牛心山天塋山黃背嶺距縣一百四五十里不等皆自分水界連綿至高門關而止距縣一百二十里

嶠山南爲天壇山

名勝志永寧天壇山一名壇屋山其山早暮有影俱深碧色日則在西直插天際日高則卧與海接其山在東先卧後立他山所無也壇上有仙燈巖有仙貓洞世傳燕真人丹成鷄犬俱昇貓獨不去至今尙有見者

按舊志云叙疇坪相傳禹叙疇于天壇之山廼好事者爲之耳相傳有兩耳山

又東南爲大頭山

隋書地理志永寧有大頭山

又南爲陽虛山又名元滬山

山海經陽虛之山多金臨于元滬之水河圖玉版倉

頡爲帝南巡狩登陽虛之山臨于元滬洛汭之水靈

龜負書丹甲青文以授之水經注山海經又曰白鹿

蹄之山以至元滬之山凡九山元滬亦山名也而通

與謹舉爲九山之次焉故山海經曰此二山者洛間

也是知元滬之水出于元滬之山蓋山水兼受其自

矣李通志陽虛山在永寧縣西五十里一名陽峪

又南爲大通山

方輿紀要大通山在永寧縣西五十里有風穴擊之如雷聲

迤東南爲天柱山

隋書地理志熊耳嶠縣有天柱山舊志天柱山在縣

西四十五里長水鎮舊府志天柱山中有王官谷

按舊志有礦子嶺
在縣西五十里

南濱洛水爲檀山郎龍頭山

水經注洛水又東逕檀山南其山四絕孤峙山上有

塢聚俗謂之檀山塢義熙中劉公西入長安舟師所

屨次于洛陽命參軍戴延之與府舍人虞道元郎舟

溯流窮覽洛川欲知水軍可至之處延之屆此而返

竟不達其源也李通志龍頭山在永寧縣西四十五

里上有快風軒下臨洛水

嶠山迤東北爲橫塘山郎黃塘山

方輿紀要大宋川出永寧北八十里橫塘山舊府志

大宋川出黃塘山

又東爲磁石山

隋書地理志永寧有磁石山

按磁石山郎鋸齒山轉音之譌在縣西北五十里
又縣西三十里仁壽山四十五里寶泉山四十里
紫蓋山四十二里九轉山五十里
里魚脊山皆與磁石山相連

又東北與陝州熊耳山馬頭山相望曰五峯嶺曰泉龍

嶺

按舊志五峯泉龍月山
皆在縣東北六十里

又東為九鳳山接熊耳東南錯澠陝交界永寧良陬

按舊志九鳳山在縣東北七十里去
熊耳十五里又有梁家寨山折而南

又東南為香爐山盡永寧東北界迤南入宜陽西北交

皆嶠之支輔

按香爐山在河底鎮八里縣東北二十里舊志二
十里誤與三邑界名曰藕池村至縣八十里宜陽
九十里澠池三十里

嶠山東南為嶢嶠山

隋書地理志宜陽山有嶢嶠山

今地入永寧

名勝志嶢嶠

山在永寧縣西北三十五里相傳廣成子憇息之所

上有龍井及河濱廟十道志廣成子往來嶢嶠放逸

山谷

按嶢嶠山今呼為廟山有元
薛友諒碑記在嶢嶠廟下

嶠山自嶢嶠山東南抵永寧縣治北為鳳翼山右為延

壽山連綿至嶢山盡大宋川

李通志鳳翼山在永寧縣北一里形如鳳翼延壽山

在縣西五里側出香泉飲之則壽

永寧縣南山自盧氏熊耳西來入境之首曰十八盤嶺

又東南為象車山居邑之末

方輿紀要永寧縣西南一百二十里有十八盤嶺接

盧氏縣界舊志象車山在縣西一百四十里

按象車山自盧氏鷄籠山來盤鋸二十里在盧東
嵩北交雄聳為邑西南屏障清樂娥眉鳳凰群山
皆拱之府志
舊志俱失載

又東北為松陽山又名大界嶺

文淵閣校本近
刻松陽為作陽

水經注松陽溪水出松陽山北流注于洛

唐書地

理志長水縣有松陽故關

施府志縣西八十里

崇陽鎮南通大界嶺為崇陽溝崇松音轉楊陽字譌

崇陽即松陽大界嶺即松陽山

按施府志未見 文淵閣校本為松陽故辨之
界嶺自盧嵩界橫互至宜陽界邑南諸山皆受其
脉

松陽山迤南為駝羊山甘溝山

明劉廟崇陽巡檢司署碑記關南駝羊山甘溝等山

銀礦出其間知縣于淵封閉如法請設巡檢司專巡

料

界嶺山東為船板山

即橫板山蓋船之音
譌其下為孫洪澗

宋史張玘傳紹興二年張玘救長水縣遣將謝皋守

船板山

按船板山聯屬有望夫
山桑樹嶺至洛濱止

又東為懷來山

舊志懷來山在縣西五十里洛水之陰

按雍正二年知府張漢立岳武穆行軍過此碑於
山前因楊再興大戰金兵於孫洪澗故立石以標
之

又東為馬英山

舊志馬英山在縣西八十里

按馬英山相接又有飛鳳山脚跡山錦
屏山楊栢山山下俱有溪見溝洫志

界嶺迤東北為金門山

後漢郡國志宜陽有金門山竹為律管水經注金門

谿水南出金門山北逕金門塢西北流入洛黍良谷

水南出金門山東北流入洛李通志金門山在永寧

南三十里一名律管山九州要記金門之竹可為笙

管

按漢書律歷志黃帝使泠綸自大夏之西昆侖之
陰取竹于嶰溪之谷以生而空竅厚薄均者斷兩
節間而吹之以為黃鍾之宮制十二簫以應鳳凰
之鳴應劭注大夏西戎之國孟康注嶰溪昆侖之
北谷也未聞使泠綸取竹宜陽以造律呂之說九
州要記所云金門之竹可為笙管不過言竹音之
合節耳舊志引玉泉記取宜陽竹為笙管河內葭
葦為吹之以候陽氣遂以取竹金門為伶倫而
好事者稱金門為嶰谷嶰谷嶰嶰為嶰嶰黃帝庶
子大禹仲禹隱居之地諸志亦謂伶倫取竹於此
谷名嶰谷逕名伶倫文人附會古事多譌以傳訛
自軒轅以降歷代定律呂自多用竹不知何時採
伐為笙管等籥之用如蔡
邕之柯亭李舟之煙竹耳

文獻通攷金門山城東南北三面峭絕天險周置兵

於此以防齊

按施府志云按水經注謂金門溪水南出金門山乃來嵩界嶺大山志謂在永寧三十里乃據界嶺北山山形如金字者言之今金門山俗呼金山其山自界嶺而來內重巒疊嶂周遭四十餘里統曰金門山不必分金門山金山也

金門山迤東南為梁王頂

按邑人張鼎延有梁王頂詩今土人亦呼為蓮花頂距縣七十里

梁王頂東北為陰山

即神頂山

水經注太陰谷水南出太陰谿北流注于洛隋書地理志宜陽有陰山施府志今永寧古宜陽地隋宜陽

陰山即今永寧縣東神頂山俗名蓮花頂其下太陰谷水乃陰水之谷即伊陽有陽山伊北有陰山兩山

進對陰陽分受名自古矣

按神頂山上有神頂寨即明大將軍徐達降元守將張百戶地明仍設神頂守禦其山高聳雲表雄瞰西洛南聯玉女鳥喙二峯其下為獅子巖王鐸神頂嶽廟詩云四圍柴籬坐相望突兀高峯劃大荒誰復凌空嘯帝坐我今乘勝挹天漿香烟古廟通靈氣石路神邱點太陽凍草暮雲無限意漢家封禪舊山房廟與寨俱廢距縣三十里

又東為白馬山

即白馬寨

宋史張玘傳紹興二年玘遣將陳俊守白馬山

按白馬山在縣東南二十五里下有白馬寺唐貞觀十年建山頂有白馬寨明於永寧設白馬寨守禦所明萬歷間重修白馬寺碑記中有云白馬寨為白馬山中尖特出高摩層漢絕頂泉飛如大將軍傑起於部伍其山雲霞出沒光精燦爛浮嵐暖翠山澤通氣若聞鏗鏘之聲所謂長淵十景白馬

昏鐘其一也

白馬山東曲抱清風山聯宜陽女兒山盡永寧東南境

舊志清風山在縣東南三十里

按女兒山在宜陽西八十里自永寧城望之邵子詩申所云格虎張旗如在几席上蒼翠可挹昔人以白馬女兒之雄並稱實分山而連體耳

水

洛水出上洛謹舉山 地理志出冢嶺山山海經出上洛西山水經注出謹舉山 東北

過盧氏熊耳山又東入永寧界

永寧北山之水首入洛者為高門水

水經注洛水又東高門城南即宋書所謂後軍外兵

龐季明入盧氏進達高門木城者也洛水東與高門

水合水出北山東南流合洛水枝津水上承洛水東

北北逕石勒城北又東逕高門城北東入高門亂流

南注洛施府志按永寧西界有高門關其水即高門

水也去縣百五里

按高門水即今大溝河水發源盧氏香爐山二十五里入永寧境合境內牛心山水入洛以溝東西分水盧二邑界

又東為黃亭溪水 即大鐵溝水

水經注洛水東逕黃亭南東合黃城溪水水出鷓鴣

山東南流歷亭下謂之黃亭溪水又東南入于洛

施府志水經注有大小鵝鵝之名黃城谿水今俗呼為大鐵溝水蓋大鵝鵝水之誤也

按大鐵溝水發西嶠山下經鵝鵝關左合東嶠之碾底溝上郭溝水至故城鎮東入洛

又東為小鵝鵝水即小鐵溝水

水經注洛水又東得鵝鵝水口水北發鵝鵝澗東南

流入于洛施府志小鵝鵝澗今音譌為小鐵溝

附嶠水辨

按水經注三嶠水皆入大河惟明史地理志云永寧北有嶠山嶠水出焉注于施府志西度水至永寧河底村有水西來會之水出嶠山東即明史所云今查河底村西來小溪其源皆十數里而近嶠山在西北與河底村中隔摩雲黃塘礁嶢等大山又隔刀環大宋二川嶠水豈能越之而東是府志

亦懸揣之詞惟東嶠山嶠底下有大岔溝與嶠山西所出之龍潭溝逕仰天池刀山下東流兩水合名九經澗又名九龍澗至滬水西入洛乃與明史相合九經澗上連阪升降達長水為古嶠南道是水即嶠水無疑後之虛心攷古者正之

又東為元滬水

山海經陽虛之山臨于元滬之水水經注洛水又東

北流至陽虛山合元滬之水山海經曰洛水北流注

元滬之水是也李通志元滬水在永寧西五十里出

陽虛山北流入洛

按水經注以陽虛元滬一段列於蠱尾山水之下武里水之前恐有錯譌李通志名勝志皆以元滬入永寧故施府志仍之

春秋合誠圖黃帝游元滬洛上與大司馬容光左右
輔周昌等百二十人臨之有鳳啣圖置帝前春秋緯
黃帝坐元滬閣上鳳凰啣書致黃帝前其中得五始
之文

又東為僕谷亭北水即長水

水經注洛水逕僕谷亭北左合北水水出北山東南

流注於洛施府志水在洛水南水在洛水北道元據

亭記水實今水寧西四十里之長水也今名白水澗

又東為宜陽北山水即邱靈峪水

水經注洛水又東左合宜陽北山水水自北谿南流

入洛施府志水寧為古宜陽地故山曰宜陽北山今

俗呼為馬店峪水在縣西二十五里入洛

按馬店峪水即邱靈峪水以至馬店村西入洛故名曰長水又有平峪水離城三十五里鳳毛澗水離城四十里長水東有畢澗峪水離城十八里其下皆有渠水經注無之府志不載

又東為蠡城西塢水即今嶢澗

水經注蠡城西塢水出北四里山上原高二十五丈

故澗池治南對金門塢水南五里舊宜陽縣治也

施府志城西塢水即今水寧縣西十里嶢澗澗水曰

水出北四里山上則蠡城當在嶢澗山南四里矣又

曰水南五里舊宜陽縣治故水寧有宜陽北山

按蠡城塢詳見古蹟中魏徙蠡城縣治之下

又東為欵水即鳳山澗水又名金絲澗

水經注洛水又東合欵水水有二源並兩川逕引謂之大欵水也合而下入洛施府志欵水兩川逕引一

為永寧東鳳山澗水一為永寧東溪源澗水兩水相去四里今不合流故別著北溪於下

按施府志所言尚須參考鳳山澗水出鳳翼山左逕城東關是大欵水有寺嵒澗水出鳳翼山右經城西關相距不過三里疑是小欵水今名禮樂二水故曰二源并發雙川逕引驛道元注水經時永寧尚未設縣置城必合入洛置城後乃分東西繞城行耳

又東為北谿水即溪源澗水又名金谿澗

水經注洛水又左合北谿南流入洛

按溪源澗水出姜岳嶺經溪源塞南入洛向不合流故知施府志此語尚須參攷也

永寧北山之水至宜陽入洛者為昌澗水即大宋川

水經注昌澗水出西北宜陽山而東南流逕宜陽故

城南明史地理志永寧有大宋川下流為宜水方輿

紀要大宋川出永寧八十里之橫塘山至宜陽境入

洛施府志大宋川一名錦陽川在宜陽一合塢西入

洛水經注昌澗水於一合塢之上即此水也

為杜陽谿水即川

水經注洛水又東合杜陽澗水山北出杜陽溪東南

至一合塢東與磐谷水合亂流東南入洛方輿紀要
刀環川源出陝州界經永寧至宜陽入洛亦曰昌谷
水施府志刀環川在宜陽三鄉鎮東入洛水經注謂
杜陽谿水逕一合塢東入洛卽刀環川也紀要與李
通志謂刀環川卽昌谷不知昌澗乃大宋川非刀環
也

按杜陽谿今俗音譌作渡陽河卽刀環川也其山
發崱山後爲磨溝河合嶠嶢山之大石澗小石澗
及蒼龍溝等水至賈溝入宜陽境三
鄉鎮東入洛舊志以爲出黃塘疑誤

爲西度水

卽宜水

水經注熊耳山際有池池水東南流逕宜陽故城西

謂之西度水又東南流注于洛方輿紀要宜水在宜
陽西五十里本名西度水永寧縣界流宜谷西又南
注于洛施府志西度水在今宜陽韓城鎮東水經注
西度水逕宜陽故城西故曰西度宜陽故城卽秦甘
茂攻韓拔宜陽之城是韓城在水東不在水西今鎮
非舊地矣且西度水卽宜水水北曰湯宜水自城西
東南流域在其北故曰宜陽至大宋川亦名宜水者
以逕宜陽故郡南也宜陽故郡今在永寧刀環大宋
間水得宜名尙在阪郡之後

按西度水非穀水水經注穀水出馬頭山穀陽谷
流爲澗池川又東逕新安合澗水入洛修志以前

誤以發源熊耳山池之西度水為穀水河終志知辨其非而仍別穀水于永寧水志未能據水經注方輿紀要等書直削之今人猶呼穀水河至施府志攷正而兩水之名始定顧安得提愚民之耳一訓之耶西度水出澠陝界熊耳山天池流逕陝之雁嶺關南至頭峪入永寧境至河底村又有南河從陝州禮村來相合下流韓城入洛

永寧南山之水接盧氏境首入洛者為貲谷水

通鑑綱目宋元嘉十七年柳元景薛安都將兵出宏

農叅軍龐季明乃自貲谷入盧氏

按水經注龐季明入荀公谷又云入盧氏進達高門木城荀公谷即孫洪峪高門木城即高門關入盧氏路必逕從孫洪峪下峪越高門是貲谷即下峪又按峪水出大界嶺西鍾子山至下峪村東北注洛象車山有七溪分注洛水經注不載故畧焉

又東為松陽溪水即崇陽溪水

水經注洛水又東松陽溪水注之水出松陽山南流注于洛施府志溪水出松陽山抵崇陽鎮北流入洛今謂之崇陽溪水蓋松崇音近而譌也

又東為荀公澗水即孫洪澗水

水經注洛水又得荀公澗口水在南山荀澗其水歷谷東流注於洛施府志宋史楊再興復長水縣殺孫都統明日再戰於孫洪澗大破之盡復西京險要永寧志孫洪澗在縣南六十里疑所注所謂荀公澗孫荀古音通荀卿亦曰孫卿是已

按孫洪澗發源船板山下

又東為庫谷水即底張峪水

水經注庫谷水自宜陽山南三川並發合為一谿東北流注于洛施府志庫谷水今底張峪水出永寧南山道元所謂三川並發者右為應陽川左為奎陽川中一小川合流俗又呼為褲子峪

按應陽川發源馬英山奎陽川發源飛鳳山至嶽碑寺前兩水相合至底張村旁入流

又東為侯谷即侯峪水

水經注洛水又東侯谷水水出南山北流入洛洛水

又東逕龍驤城北龍驤將軍于鎮惡從劉公西入長

安陸路所經故城得其名施府志侯谷今名侯峪在

永寧西三十五里道元記龍驤城在洛水南侯谷東

由谿西則龍驤城當在永寧西南三十里方輿紀要

云四十里

又東為廣由澗水即景陽川

水經注廣由澗水出南山由谿北流逕龍驤城東而北流入于洛施府志廣由澗今為景陽川在永寧縣西二十五里入洛

按景陽川發源跡山至方村入洛即南雷公澗水

又東為直谷水即大豐峪水

水經注洛水又東直谷水水出南山北逕屯城西北
流入洛施府志直谷峪名大豐峪在永寧西二十二
里

按大豐澗水發源大界嶺舊之大
峯山疑卽此水所出豐峯音譌耳

又東爲金門谿水 黍良谷水

水經注洛水右會金門谿水南出金門山北逕金門
塢西北流入洛又黍良谷水入焉南出金門山開山
圖曰山多重固建武二年強弩大將軍陳俊轉擊金
門白馬皆破之卽此也而東北流注于洛施府志道
元謂金門谿水黍良谷水俱南出金門山乃今所謂

金門山南大山也今所謂金門水其東水今猶名黍
良谷水兩水旣會金門山前北流二十里乃出澗口
入路道元記金門水入洛又記黍良谷入洛似爾時
兩水分流出澗口與今有異

又東太陰谷水 卽洶
峪水

水經注太陰谷水南出太陰谿北流注於洛施府志
太陰谷今爲陶峪洶乃太陰今音峪谷義同在永寧
東南十五里

按陶峪水發源梁王頂下與神頂
山小澗相合至青羊宮前入洛

又東白馬谿水

水經注白馬谿水出宜陽山澗有大石厥狀如馬故谿澗以物色受名也谿水又東北注於洛

按白馬澗水發源白馬東之澗池山山頂有池大四里許飛泉下注至白馬寺雙珠環山右合西溪水下為洪崖河逕至洪崖鎮入劉石村宜陽界入洛水經注所謂宜陽山澗今地入末寧觀廟內金太和元年鐘載嵩州末寧縣可証

金門山賦

明張論

混濛既開輿蓋攸分川湯湯以歸墟山翠律而踴蹕嶽鎮斷鰲以挿天岡巒連蜷而摩雲唯元和之歎薄有茲山之嶙峋節氣宣化助教流芬疏二儀之沴結發三籟之清音邕七情之底滯而淪久痼之衰心吾

蒐其赬毓之符契原聳屬於鉅靈兼溯其脉絡之系包總條支於崑崙岷嶺而嶼南山跨蓮岳以超號秦鸞翔鳳翥端綏垂紳岌岌岷岷碗礪崩岩嶄嶄巖巖嶧嶧嶧嶧以弭節於有雒之表溪水之澗其尊若君其闕若門厥名曰金厥形維均是則茲山之倣載可以纍秬黍而細陳爰是地吐清淑天生神物挺羃空之叢篁紛簞鬻於林麓幹龍奮以干霄籟蟬解而脫骨直兮比有道之矢虛兮擬大度之谷忠兮繁雷陽之思孝兮搵孟宗之哭戢羽堦城標君子之亭亭執袂羅浮友大夫之稷稷溝稜稜兮就夷節磷磷其

橫出茲嶰谷之所錄得名洵漢志之可信可述遂爾
道合天鈞神叶皇衷發睿思於炎帝諦聲氣於伶工
截筒分律依味和聲葭灰載飛緹素云衝過六六以
作管隔八八以相生妙三分之損益旋七聲而爲宮
維變宮夫變徵偕二舞以奏五夏兼去滅乎執契節
南呂而比應鍾召威鳳其來儀應雌雄之和鳴鏘鏘
噦噦啾啾離離人鬼咸格朝會攸同軒轅堂上燕衍
房中備六代之韶濩日雲門與咸英京房踈而成謬
滅黃鍾之九寸拓跋陋以多拘格水準而不行啻新
聲之戾古笑審音而宮龔譯琵琶於祇婆鎖金石於
牛宏占亡國之噍殺識不競乎南風簫幽咽而引鳳
筵清越而化龍聞臨堵之管籥翁兩序之笙鏞皆斯
山之取材譬鄒嶧之孤桐所以山號金門亦稱律管
自邃始以迄無窮曼徽音其未斬曩揭宜陽之名區
今標水寧之絕巘驅太平萬畝肅兩伏而前導襟瀝
維昌穀硤碎宿警琅琅磻磻以唱呼而過遠左揖龍
嶂右矚獅岩拉烏啄之仙掌拍巧女之弱肩顏斗絕
而壁立背剌施以嶮岼清風拂檻以習習明月窺戶
而娟娟維南則千峯轟轟突兀騰鸞樵蘇是經狼虎
穴焉伏牛陸渾空桑萃巖羊腸蛇蛻鳥度猿攀歷漸

陽浮丹水凌九臯馮大隗紆曲迂回以南合於鄢襄
 荆宛之間維北則二陵風雨三晉雲山嵯嶢跨神井
 以居地底柱帶鬼穴而撐天南河與五子之歌聖窟
 築胥靡之巖栢谷醉漢帝於主翁蘭昌遺玉盃於人
 間嶠函灑復熊耳鈎連鬱律滄泆絡繹蜿蜒銜為鳳
 翼之原維西則陽屋開文字之鼻祖龜窩呈理數之
 淵源長水浩森隋陵亘綿高門峩峩鵝鵝纂嚴東溝
 南折高高下下盤為三六之阪方之上天之難維東
 則神頂韓嶽龍窩鳳泉反曦晷於西照分夜漏於黃
 昏錦川朝女凡以滌洞巖嶺抱鹿跡而環漩風浙瀝
 以襲連昌雲靉黷而護平泉步凌波之羅襪縱轡馭
 於澗瀝總斯山之盤礴樹千秋之大觀整不律以採
 簞吾靡得而盡言若乃天中佳麗土膏沃若四方均
 道陰陽會合珍禽異卉嘉蔬醞酌春華絢爛鋪滿地
 之縹緗秋實離披霏川原之紅藥白鬼借舉殿而鶴
 鶴雒緇並河魴以躍躍葵丹柴而炎炎掇梅英之灼
 灼平子既攤思於兩都余亦姑舍是而不作至於靈
 湫幽壑宥靜泓深二氣訢合悅歛烝薰轉孽為祥致
 雨典雲毳豐隆而召列缺灑雩雩歲旱之甘霖魁虐
 寢怪野燼不焚錫廣惠之宸章制煨煨而麟麟斯又

山靈之錫祐年穀之順成而借龍伯之名以行其神以顯其仁者也若夫嘉名之錫義實闕博或以爲鏐盪之自出竟披沙而難捉抑以爲六書之象形差依稀其杪末余思夫五行首金以通木八音先金而次石鍾律雖始於坎一之宮摩盪實肇於乾一之宅瑤吹律而萬事畢金聲樂而八風協名可撮始以槩敘義實顯著而烜赫金門之義蓋始諸此乎或疑之曰紀之稱伶倫也踰阮喻喻崑邱取竹於大夏數萬里之外茲近而括之茲山將無縮地紀而誣山靈剽盛羨而夸流俗徒浮名之啖而盡鑿夫情實歟曰是何言之易也聖皇開天宅中建極異國殊方風氣殊僻卽有能之遺軌譚者逃稽而靡一若首山之銅荆陽之鼎具茨之駕崆峒之蹕皆諸夏之奧區匪遠騁於轍跡豈審音尚象會中原之乏材乃鑿山通道以借響於重譯又豈渭川之千畝會稽之竹箭維揚之箇輅有斐之淇澳皆材弗中乎笙簧聲不諧夫鐘律乃必市音掠異沙棠蘘草洵水丹粟之絕域古曩今証情喻理析母亦唯是嵩雒地中表立晷測太和環應清濁攸叶譬蜀山之子鍾若蕤賓之方鐵聚氣類以相求或可破曼衍之誕說者也且夫宜陽金門係地

以山河內葭葦灰飛氣傳志在律歷星日班班考宜
陽之古縣實韓城之類垣固近取而可得燦沿革之
犁然何乃舍中原足徵之文獻信志怪不經之迂譚
萬澗漫而千悠謬迷莊馗而望冥山豈不大可涕洟
而咏嘆也耶嗟不穀之後死道未墜而在人恍皇風
之沕穆進六相而逡巡當勝國之季年余皇祖曰仲
文違馮翊而就剌廓羅兵燹之熒熒遺皇妣於少祖
遵洛滸而西循愛茲谷之幽深粵暑涼其靜豁氣鬱
葱而佳哉儼羣龍以作合語地則東嵩西華南伊北
洛靈地靈於此也語人則前伊後傅左周右召傑弗

傑於此也迥然賞心天啟誰奪爰卜爰築是垂是作
閱九世而逮我躬當四朝之炎燂謬承恩而筮鴻達
曾三役於邛笮驅驄仗鉞塹山煙壑蘭蠻旣膏斧而
隸版圖水獠亦解辮而就戎索還朝宗於江漢奠四
維之嶽嶽爲德爲民不愧不怍總三生已經之長途
非一邱歸休之所託吾將卧茲山以長老兮了浮界
之塵壒登絕巔以舒望眼嘯天風而啜藜藿噫戲吁
有溪如帶有山如礪蟬蟬百年勞勞安憩竹素之微
名可擲景鍾之末業焉繫匣長劍於螭螭之穴橐鸞
弓於廣莫之肆耶拄杖兮覓葛陂峻大雅希聲於水

襪

永寧縣志卷之二

土地部

溝洫志

自周官稻人掌蓄水出水蕩水均水舍水瀉水之法而水利興一涓一滴皆吾民命脉也

聖天子念切民瘼廣興水利洛邑官師有引漑獲效超拜方州者矣永邑之渠漑農田兼漑竹地民生朝夕所賴視他邑各殊講求尤亟故較舊志所載凡五倍之以重民事六山澤通氣用之則靈昔人云天下無不可醜之川無不可澹之泉在爲民上者留意耳誠能疏淤防

潰相地勢而變通之振興勞來不啻沛之膏霖飽以渾乳焉郝賈諸公非前事乎

舊渠

方輿紀要宣利渠在永寧縣西三里又有新興渠在縣西二里萬箱渠在縣西一里龍頭渠在縣西四十五里皆引洛水以溉田甚為民利

開濬各渠官師姓名

俗稱復興渠宣利渠為趙清獻公開無所據

明知縣郝敬重濬萬箱渠

見李通志

知縣于淵開天一渠

見府志

知縣賈宗忱重濬復興渠

見通志及張論志

國朝知縣佟賦偉重濬宣利永昌復興民樂安業五渠

新開末勤永利萬箱小石雲雨盡力于畝七渠

見府志

縣高式青重開天一渠重濬萬箱宣利渠

見府志

末勤渠

廢知縣單履成改開萬箱渠於北原

見舊志

今渠大小七十二道分洛南北引洛水及引山澗水

注之

洛南引洛水渠

雲雨渠自水南村西開引由水南村里村古村磨頭

村孫洞村南洞村方村共七村除水南里村古村

三村不受灌外餘四村灌至方村西止上下十五

里許方村南洞二村為溝澗阻隔不與工亦不受

水磨頭孫洞二村除中損外餘地十頃餘磨頭五頃孫洞地五頃餘

盡力渠自孫洞村北開引逕西王村東王村陳宋大原坡頭五村上下長三十里灌地二十五頃零尾水歸洛河

復興渠自西王村西北開引東流十里至陳宋溝東分爲正渠支渠灌東西大元東西坡頭寨子五村約二十里灌地十七頃七十畝餘水歸民樂渠民樂渠自坡頭村北開引經寨子村灌盧底村二頃小珠村一頃八十畝共三頃八十畝餘水歸安業

渠

安業渠自寨子村北洛河灘開引由小珠草庄頭陶峪澗口張家灣張村寨上東張村七村上下十五里共灌地三十四頃

樂成渠在凡村里乾隆四十九年開引自孫洞村起至方村東山河口止南臨盡力渠北臨洛水長八里許支渠八道所灌俱方村地共計地四頃二十二畝九分

廣義渠康熙五十三年開引自孫洞北起南臨孫南洞地畝北臨盡力渠東西長十里許支渠六道共

天寧縣志 卷二
灌地六頃零

廣成渠乾隆十五年開引至柳溝口起至高橋溝口止長四里灌鯉村地共五頃十一畝

洛北引洛水渠

永利渠自馬店村西開引逕馬店東仇張村崖底共四村馬店灌六十畝東仇灌一頃張村灌一頃六十畝崖底灌一頃二十畝共地四頃四十畝

萬箱渠最大自東仇村南開引渠尾至東寨村東止由崖底塢西塢南塢東小原王范東西經局東西關譚庄魁樓楊家斜孫珠柴家巷吳村東寨村東

止長三十餘里以王范西石橋分溝東溝西各有支渠溝西支渠名腰渠長五里溝東支渠名廣箱渠長三里共灌地八十頃零四十六畝其渠逕白水澗麻衣溝沙河磨溝河樂水澗禮水澗礁嶢澗每有暴雨號水爲害防護之功宜急

小石渠由張村開引經塢西塢南塢東王范東西經局譚家庄南位孫珠吳村柴家巷灌十一村長二十五里

宣利渠自經局村南開引由南位村吳村南在禮村北在禮村余庄村新庄溪村東庄冀庄新庄灣至

岷山村上下二十里灌地五十頃餘

永昌渠自經局村南開引逕譚庄高庄南位吳村在禮五村不受水自麻園溪村冀庄岷山馮庄共五村灌地一千五百五十畝長十五里

天一渠自東仇東南疏引洛水灌北張村渠尾至沙河止長四里中分二支渠一東南一東北共灌地六頃餘水歸張村峪沙河

引山澗水渠

吳村里山澗渠

鳳山澗水發源竹家原逕風口村東疏引分水渠三

道東渠灌東關寨下地畝西渠灌龍王廟地畝中

渠灌東關村南地畝

溪源澗水從江岳村嶺下發源流至溪源寨南疏引

灌柴家巷吳村孫珠村南位村在禮村五村

王范里渠

王范北西湖峪水發源磨溝王范街東退入洛內疏

引支渠三道一山神廟渠灌王范村北地畝一觀

門渠灌石橋東地畝一石橋渠灌王范村地畝

嶠嶢澗水發源羅村溝至王范村西入洛小原村支

渠一灌村南地畝塢東支渠澆灌村西地畝

東仇里渠

張村北澗峪河從武家川發源至張村東入洛河自
瑤院村河西疏小渠一道灌張村村地一頃餘

畢澗西渠自嶢嶢發源渠口自法王寺西起流峪口
外至張村灌地五頃餘

嶢嶢澗渠

羅村溝口有渠口分爲二上渠灌塢西村下渠灌塢
南村

北澗峪渠

崖底村峪口渠灌崖底村

馮西里渠

白水澗渠從峪口引水起餘水入洛河

邱陵峪渠從峪口引水起餘水入洛河

平峪河渠在峪東南從峪口引水起餘水入洛河

王召里渠

金山廟村東大溝渠自沙坪引山澗河水入渠灌金

山廟一村地八十餘畝行二里許餘水從金山廟
後歸本澗河內

觀灣村磨渠渠口自登子崖根引山澗河水入渠灌

上磨竹地一頃餘行五里許水從竹園仍歸本澗

河內

王召里中興渠接金山山澗水渠在陳吳村西南灌
中益村爐底村竹地一頃七十畝約五里餘水歸
山澗

原村里渠

澗口村西山澗渠灌地五十畝長半里許餘水歸安
業渠

原村里洪崖渠在洪崖村東引白馬澗水水發源白
馬寨北流二里許入洛

澗東河東渠渠口在洪崖村南引白馬澗水北流三
里許入洛

小石渠渠口在中方村北引白馬澗水北流半里仍
歸白馬澗以上三渠俱康熙十一年開

大宋里渠

引聖渠開自康熙十三年取水聖水寺三里許渠內
出泉數十眼名益聖泉永資灌溉東宋村程家庄
西村三村長十五里灌地三十餘頃餘水歸渡陽
河

錦陽渠雍正八年開修渠口自西塢村西起引錦陽
川山澗水水入渠流一里過溝灌西塢一十地五

頃餘上下渠計長三里餘餘水仍歸錦陽河

渡陽渠雍正十二年開修渠口自馬村西起引錦陽

川山澗水水入渠流二里過溝灌馬村郭村地五

頃長四里餘水仍歸錦陽川澗河

錦陽川渡陽河又有渡陽渠一道渠口自乾隆二十

六年重開又有渠口在方裡村西南離城二十五

里灌地八頃餘餘水仍歸河內

蒼泉渠發源聖水寺北灣灌大宋村賈家瑤東宋村

地五頃餘至東宋村南止餘水仍歸渡陽河

安聖渠自康熙八年開發源大明寺西灌西村祁家

溝地兩頃餘至嶺山地界止餘水歸渡陽河

牛庄溝水發源老張溝牛庄一村灌地七十餘畝至

牛庄村東止餘水歸渡陽河

磨溝河渠發源王溝村灌磨溝村新庄村展村三村

地畝一頃餘至展村村東止餘水歸渡陽河

楊坡里山澗渠

河底鎮渠渠口從街西頭田灣金水澗入渠灌地八

十畝餘水仍歸金水澗長二里

河底鎮北山水小渠渠口從街北入渠灌地三十畝

餘水歸本河長半里

牛曲村昌河西西洋渠渠口自程頭村北起灌至河
西村西北止計長四里共灌地二頃餘水歸入昌
河

原剛村昌河東東陽渠渠口自楊坡村北起灌至村
東沙場止長四里灌地二頃餘水歸昌河

瑤頭村昌河東陽渠自桃峪溝口起灌牛曲瑤頭二
村至村東止長六里灌地二頃五十畝餘水歸昌
河

永泉渠原屬古泉康熙三十六年開渠口自西山底
村東邊西崖根發源引灌紅嶺竹地中有山澗水
亦入渠內二水灌溉上下五里許乾隆四十六年
有山底村開支渠者控縣堂斷不許侵占渠道私
開著為令共灌竹地七十餘畝

底前里渠

白衣澗龍膊渠渠口自后灣村后起灌龍膊西長水
竹地六十六畝餘水歸洛河

孟家峪河磨頭渠渠口自孟家峪起灌河磨頭竹地
八十畝長三里餘水歸洛河

底后里渠

磨頭村青龍渠渠口自紅眼泉起長五里灌地二頃

水寧縣志 卷二
餘水退入山澗

黃村山澗渠渠口自鳳翼山根起至黑竹園長二里
灌竹地五十畝餘水退入小河溝

孫洪峪小渠渠口自鳳凰山根起至溝口止長十五
里灌地一項二十畝灌竹九十七畝餘水歸洛河

樊村里渠

馬營村大豐峪河有太一渠渠口自北召村西起灌

馬營村竹地五十餘畝長四里餘水歸山河

天一渠渠口自馬營村東南起灌馬營村竹地四十

餘畝長四里餘水歸山河

興龍渠渠口自馬營村東起灌馬營地五頃餘長三

里餘水歸洛河

景陽川河支渠三道一支渠渠口自郭庄起灌西山

底郭庄二村竹地一項八十畝餘水從西山底北

歸河內二支渠自張溝起灌中方竹地五十畝餘

水歸河內三支渠自中方北起灌北村竹地六十

畝餘水自北村北歸河內

官底村豐樂渠渠口自九村寨根起長五里灌地三

十畝餘水歸山澗渠

小許村山澗渠渠口自九村寨根起長五里灌地五

十畝餘水歸下河灣

王召里渠

均利渠前名樂意渠發源爐底村西南村民引竹林泉水灌地五頃餘長三里許歷年已久因寨子村民會借水以溉後遂起爭衅縣訊斷令爐底村前五日引水寨子村後五日引水各分利澤以睦鄉鄰當改名曰均利渠立案永遵焉

原村里渠

會家村祖師廟西山澗渠水傳流下寺北山神廟後方圓灌地四十畝行二里入洛河

大宋里渠

錦陽川山泉水發源流峪溝灌方里村地五十畝餘至村東止餘水歸渡陽河

楊坡里渠

楊坡村東上東陽渠渠口從岳灣起灌至元崗村寨子溝東止計二里灌地一頃五十畝

下東陽渠渠口從陳家溝起灌至寨溝止計一里灌地一頃

指昌河渠渠口從刀環下河口起灌至六潘溝門止計二里灌地一頃二十畝

白沙渠渠口從刀環村寨溝起灌至楊坡西房止
計三里灌地八十二畝

刀環村小河口渠渠口從將灣起皆民修房院水不
能行渠道廢今新開渠道灌至刀環村北計一里
灌地七十畝

楊坡村崖底渠渠口從燒瓦窰起灌至楊坡村東止
計遠三里灌地五十畝

河西村渠渠口從河村南崖根起灌至河西村東止
計一里灌地一頃三十畝

刀環村南澗公濟渠引昌河西澗水起半山根止虎
頭寺約一里灌地七十畝

名留渠在凡村里西王村渠口引馬營村北張堽村
南山澗水灌地四頃長一里許餘水歸馬營山澗
湧泉渠泉口二道一發源小原村東崖一發源中峪
西崖灌塞子村竹地九十七畝長五里餘水歸中
興渠

人和渠在陳吳村渠口接金門川澗溪水從德里村
東南入渠灌地一頃至中益渠止共長三里餘水
歸永興渠

賈侯重開福興渠記

張

求治之前實俯洛水西抵長淵東達宜陽皆不川大
陸可引洛水灌注蒔藝不苦旱暵者迤南有渠曰福
興謂福利所自興也或曰福興爰其既塞而復通也
里故老鮮悉其始河徙無常渠隨淤塌蓋百有餘年
於茲矣賈侯任末既久凡域中諸渠如萬箱沙渠等
則既疏通利導焉因巡歷雜表徧按舊跡曰茲莫非
遺黎何獨不分潤於宓如之靈也乃因醫官李逢節
言輸粟四十石捐俸三十餘金分命渠長韋可太雷
國治常九齡等刻日督濬二關歲而工畢督水之丞
實惟徐君守敬渠經陳宋村之北介大溝每苦爲潦
水所沒侯設法用石甃砌令水潛出其下潦水凌駕
其土若複道然兩水安流毋相侵也石渠之長二十
尋其鑿石凡百尋焉大原村南有地三百七十餘畝
勢稍高渠身稍下又爲開支渠分注使無遺利計用
石可三十尋皆萬歷三十九年四月也乃徐君竟以
督課墮鰲奄然長砌惜矣通以蓋其任者爲今丞薛
君街坡頭之陰渠所經亦有溝水之患亦爲架大石
橋空其中受水以達凡用石七十尋以今四十年闕
十一月而渠底續自始事至功成侯越度勞來月必
數四迨水瀉渠平禾黍布野而後喜可知也昔渠起

於陳宋保王李村北止於王召保寨子村東東西長
二十五里南北闊二里零閱保凡二陳宋王趙四里
凡三陳宋一陳宋二王趙一灌地凡一千二百九十
八社五分戶凡三百五十家不佞竊惟今之傳舍其
官者第知爲身家營耳侯不自爲身而以求之含齒
爲身不自爲家而以求之比屋爲家故顛顛焦勞功
成而民安有足述也錄今以往千百人利之千萬世
永利之苟此渠長存則侯之明德亦應與不朽豈不
休哉古有芍陂今有福興緊我賈績並趾禹功矣

重修萬廂渠碑記

佟賦偉

養民莫先於興利化俗莫善乎持平爲利之道如是
而教民亦不越此也我

皇上代天理物教養兼隆特蠲千萬之正供復興畿甸
之水利舉凡所以懷保小民者無一不至焉故一時
大憲靡不以興利化民爲首務膺民社者詎敢忽諸
吾永當金門鳳翼之鄉地勢平行幾二十里洛水貫
焉古人引洛爲渠故永之稱膏腴享地利者必數洛
渠南北爲首渠之在兩岍者曰雲插盡力復興民樂
安業共五北岍則永利萬廂小石永昌宜利亦五每
渠溉田自數頃十餘頃至三數十頃不等永利一渠

最居上游惟萬廂渠緊接其下環縣治而東綿亘三十餘里溉田七十三頃有奇享其利者凡一十八村故十渠之中萬廂之利爲尤夥焉自乾隆八年以來洛徙而北斷渠之腰父老買沿渠地以續之九年復毀者再渠民費白金千金卒不能治因而相顧束手遂任其廢焉余以九年冬承乏茲土勸民興復者屢次父老堅以無益爲請蓋以河水數刷渠身已爲巨浸冲斷一百餘丈而且斷渠之首擁土丈餘高於故渠且三數丈誠爲力無可施者余心憫焉未嘗一日忘也今年春始得度地過水諸法余甫自會城歸遂

不遠千里口親至渠所度量高下因改萬箱渠身斜繞北原迤邐而南復接斷渠之首水得通行無碍且去洛遠亦再無冲刷患矣萬廂父老咸色喜曰此向所至願而不可得者以北原有水利支渠二股自北而南渠民資以爲利今改渠道卽須橫截枝渠則利於我者恐害且移於人也於是水利衆庶果嘖嘖而前余笑而諭之曰若曹均赤子耳余豈爲是不平之舉哉曩今不能決者止爲是而止懼導爭也今詳度地勢高下渠必深八九尺始能行水吾今爲若架飛槽過支渠水則渠流於下水行於上若漚溉自

若也并當爲共 疊石橋便耕作立碑垂久遠係余去
之後設有廢壞令萬廂渠長爲若修之不以累水利
也不特是也今河日北徙則爾地且不保余當爲女
作月堤障水南注以保地畝又安肯但爲萬廂籌樂
利而不爲水利計久遠乎語甫畢二渠之民觀者數
千人咸頷手曰若然吾儕且禱祀不能得敢不如使
君命耶爰命擇日興工計用北原地七畝有奇萬廂
渠民計畝出資力每畝照時值償十五金計開新渠
二百二十餘丈用工千開去地糧撥入渠身完納余
另爲之作飛槽二石橋二又臨河築挑水月堤一以

三月上旬謀始作半月次第告成二渠之民咸喜請
余立石記之余嘉二渠之能讓也且甚願吾永之民
同敦嫺睦比戶可封以享

聖天子浩蕩之恩沐賢大憲噢咻之澤也故詳述其興
復之由於石而樹之橋許以垂永久焉

創開天一渠碑記

韋 袞

我永萬山斗邑中夾一帶洛水洛之南北涯鑿渠引
流一灌而旱魃不能爲災創始於有明之于公復興
于前任之佟公嗣是來牧者踵而修之或稍稍增加
邑人賴之所謂渠成萬世之利也獨長水而京馬店

而西二十里許不能沾涓滴我則翁高老父母來蒞
目覩心惻喟然曰均吾民也均吾土也胡苑枯無乎
適庚子辛丑間連歲亢旱召父老而謀之僉曰聞之
前明竭民力以開鑿而未覩成效迨我佟父母三載
勤劬心力云瘁而復壞于垂成此吾儕小人所親見
蓋必不可成之功也公曰天下事特患不得其人
得其法耳寧有不可成之功哉命駕而往周爰巡視
嘻曰源不高而欲流之遠無怪前功之不成也於是
溯洛流而上入山五里許測其高下曰此建瓴之勢
也擇士民之才幹者授以經畫俾董其役八閱月而

績用成浩乎沛然曰灌數百畝延袤二十里竹樹之
茂禾黍之美陡而改觀向之畏難者莫不躍喜以手
加額曰此神君之賜也公亦樂之仍以公之舊名曰
天一蓋取天一生水之義且斯渠獨居上流爲諸渠
首若干之有甲支之有子而水之水利無遺憾矣嗚
呼凡民可與樂成難與慮始公獨出已見成前人難
成之功雖其才有過人乎抑亦精誠之所致也宜勒
石以垂永久公諱式青字則原浙江錢唐人丙科
舉人名儒經濟茲役特其一斑云若夫灌地之數目
畚次之先後及勤事者之姓名皆宜書悉以載詔碑

陰

天官地志

卷二

陰

天官地志

卷二

陰

天官地志

卷二

陰

天官地志

卷二

陰

天官地志

卷二

陰

天官地志

卷二

陰

天官地志

卷二

陰

天官地志

卷二

